



ՍՈՒՐԲ ԱՏԵՓԱՆՈՍԻ ՏՈՆԸ ԵՎ ՍԱՐԿԱՎԱԳԱԿԱՆ ՋԵՌՆԱԴՐՈՒԹՅՈՒՆ ՄԱՅՐ ԱԹՈՌՈՒՄ

Սուրբ Ստեփանոսի տոնը, ի հիշատակումն նախապաշտարանի և առաջին մարտիրոսի նախապաշտարանի, հանուն Քրիստոսի և հանուն ճշմարտության, ամեն տարի առանձնակի շուքով է նշվում Մայր Աթոռում:

Սուրբ Ստեփանոսի տոնը համարվում է նաև Մայր Աթոռի սարկավագների տոնական օրը և առաջիկա ևս նշանավորվում հոգևոր ճեմարանի Գ լսարանի ուսանողների սարկավագական ձեռնադրությամբ:

Այս տարի նույնպես, հոգևոր ճեմարանի տեսուչ Ս. Եզնիկ քհն. Պետրոսյանի միջնորդությամբ և Վեհափառ Հայրապետի քարեհան կարգադրությամբ, դեկտեմբերի 26-ին սարկավագական ձեռնադրություն են ստանում Գ լսարանի երեք ուսանողներ՝ Վարդգես Մկրտչյանը, Գարուշ Լազարյանը և Կառլեն Պետրոսյանը՝ ձեռամբ Մայր տաճարի լուսարարապետ Ս. Հուսիկ արքեպ. Սանթրոսյանի:

Դեկտեմբերի 25-ին, ուրբաթ օրը, ժամերգությունից հետո, կատարվում է նախատոնակ, Սուրբ Ստեփանոսի խորանի առջև, որից հետո Ս. Հուսիկ արքեպ. Սանթրոսյանը դպրության չորս աստիճաններ է շնորհում Գ դասարանի 13 ուսանողների, ուրար կրելու իրավունք՝ Ա լսարանի 14 ուսանողների, և կիսասարկավագական ա-

տիճան՝ Գ լսարանի երեք ուսանողների:

Հաջորդ օրը, դեկտեմբերի 26-ին, տեղի է ունենում առավոտյան հանդիսավոր ժամերգություն: «Փառք ի քարձունս»-ի ժամանակ Մայր Աթոռի վեց սարկավագներ, սաղավարտ ի գլուխ և բուրվառներ ի ձեռին, զույգ-զույգ դուրս են գալիս ավանդատնից և խնկարկում Սուրբ Ստեփանոսի խորանի առջև: Հանդիսավորությամբ հնչում են «Նախասարկավագ և առաջին մարտիրոս» և «Ստեփանոս քաղցրիկ տատրակ» մեղեդիները, որով և ավարտվում է արարողությունը:

Ժամը 10.30-ին սկսվում է ս. պատարագը: Օրվա պատարագին է հոգևոր ճեմարանի ընդհանուր դաստիարակ Ս. Ստեփանոս արք. Չաքալյանը:

Սուրբ գրական ընթերցումներով, ըստ ձեռնադրության Մաշտոցի, սկսվում է Գ լսարանի երեք ուսանողների սարկավագական ձեռնադրությունը, որն ավարտվում է ձեռնադրիչ սրբազան հոր «Պահպանիչ»-ով:

Այնուհետև շարունակվում է ս. պատարագը:

«Հայր մեր»-ից առաջ խրատական քարոզ է խոսում պատարագի հայր սուրբը՝ հանգամանորեն վեր հանելով Ստեփանոս

ճախարակավագի ճանառակության հոգևոր նշանակությունը ընկղեցու կյանքում, մաղթելով նաև նորընծաներին հաստատակամություն և նվիրում իրենց ուխտի մեջ:

Հավարտ ա. պատարագի Տ. Հուսիկ արքեպ. Սանթրոսյանը և Տ. Եզնիկ քնն. Պետրոսյանը Վեհափառ Հայրապետին են ներկայացնում Մայր Աթոռի ավագ և նորընծա տասը սարկավագներին:

Նորին Արքությունը շնորհավորում է սարկավագների տունը, տալիս Իր հայրական օրհնությունն ու հորդորները՝ մաղթելով, որ նրանք, կրկին վերանորոգված օրվա խորհրդով, իրենց անմնացորդ նվիրումը բերեն Մայր Աթոռ Ս. Էջմիածնի և Հայ Եկեղեցու հոգևոր սպասավորության սուրբ գործին:

Վերջում բոլոր սարկավագները աջահամբույրով ստանում են Վեհափառ Հայրապետի օրհնությունն ու նվերները:


Վարդգես սարկավագ Մկրտչյան. ծնվել է 1950 թվականի մայիսի 25-ին Երևանում: Միջնակարգ կրթությունը ստացել է Երևանի Խաչատուր Աբովյանի անվան դպրոցում: 1973 թվականին ընդունվել է Երևանի պետական համալսարանի բանասիրական

ֆակուլտետ, որն ավարտել է 1979 թվականին: Նույն թվականին ընդունվել է հոգևոր ճեմարան: Այժմ սովորում է Գ. լսարանում:

Գարուշ սարկավագ Լազարյան. Մնվել է 1955 թվականի փետրվարի 23-ին Երևանում: Միջնակարգ կրթությունը ստացել է Երևանի Հովհ. Պողոսյանի անվան դպրոցում: 1974 թվականին ընդունվել է Երևանի պետական համալսարանի բանասիրական ֆակուլտետ, որն ավարտել է 1979 թվականին: Նույն թվականին ընդունվել է հոգևոր ճեմարան: Այժմ սովորում է Գ. լսարանում:

Կառլեն սարկավագ Պետրոսյան. Մնվել է 1956 թվականի սեպտեմբերի 13-ին Թբիլիսիում: Միջնակարգ կրթությունը ստացել է Երևանի Հովհ. Պողոսյանի անվան դպրոցում: 1979 թվականին ընդունվել է հոգևոր ճեմարան: Այժմ սովորում է Գ. լսարանում:

«Էջմիածին» ամսագրի խմբագրությունը ջերմորեն շնորհավորում է Մայր Աթոռի ավագ և նորընծա սարկավագների տունը և մաղթում, որ նրանք իրենց ազագուսն եկեղեցական կրթությամբ արդարացնեն Վեհափառ Հայրապետի բարձր վստահությունը և լինեն «մշակք ստանց ամօրոյ»:





ՄԻ ՊԱՆՔ ԲԱԶՄԱՆԱՅԱԿԱՆ ՋԵՌՆԱԴՐՈՒԹՅՈՒՆԻՑ